
Учкўприкда кутубхона бузилаётгани ва тугатилаётгани йўқ

26 август куни Учкўприк тумани sanoat касб-ҳунар коллежи ахборот-ресурс марказининг туман марказида жойлашган филиали биноси бўйича бир гуруҳ китобхонлар ва кутубхоначиларнинг туман ҳокими номига ёзган талабномалари интернет тармоқларда (телеграм, фейсбук) эълон қилинди. Унда туман марказий кутубхонасининг биноси ҳокимлик томонидан бузилаётгани ва кутубхона фаолияти тугатилаётгани айtilган. Аслида-чи? Ҳақиқатан ҳам кутубхона бузилаётими? Учкўприк тумани марказида жойлашган кутубхона биноси 2001 йилда туман ҳокимлиги томонидан қурилиб, фойдаланишга топширилган. 2006 йилда кутубхона тумандаги sanoat касб-ҳунар коллежи тасарруфига ўтказилган. Кутубхона 28 601 дона китоб фондига эга. Айни пайтда кутубхонада 8 нафар ходим ишлайди. 2100 китобхон рўйхатга олинган. 2019 йилнинг 6 ойи давомида китобхонлар томонидан 20 000 дан ортиқ китоб олиб, ўқилган. Sanoat касб-ҳунар коллежи ахборот ресурс маркази филиали биносининг олди фасади ва кириш қисми 2018 йилда туман марказидан ўтадиган йўлни кенгайтириш вақтида бузилган. Лекин 3 та асосий хона – ўқиш зали, китоб сақлаш хонаси ва китобхонларга хизмат кўрсатиш (абонемент) хонаси сақлаб қолинган. Кутубхона ҳозирги кунга қадар мазкур хоналарда фаолият юритиб келяпти. Айни пайтда кутубхона биноси бузилаётгани ёки унинг фаолияти тугатилаётгани йўқ. Асосий муаммо – кутубхона биноси таъмирга муҳтож. Шунинг учун туман ҳокимлиги томонидан Қурилиш ва хизмат кўрсатиш коллежи ҳудудидаги 2 қаватли бино кутубхона учун ажратиб берилган. Ушбу бино жорий таъмirdан чиқарилганидан кейин кутубхона тўлиқ шу жойга кўчирилади. 27 август куни туман ҳокими Акмалжон Маҳмудалиев кутубхона ишчилар, блогер ва журналистлар билан учрашиб, мавжуд вазият ҳақида батафсил маълумот берди. Шундан сўнг, кутубхона ишчилари, блогер ва журналистлар кутубхона учун ажратилган бино билан танишишди.

учкўприк тумани ҳокимлиги ахборот хизмати

2019-08-28 09:44:59